



LE GOUVERNEMENT
DU GRAND-DUCHÉ DE LUXEMBOURG
Ministère de la Santé
et de la Sécurité sociale

Äntwert vun der Madamm Ministesch fir Gesondheet a sozial Sécherheet op d'parlamentaresch Fro n° 3066 vum 17. Oktober 2025 vum honorabelen Deputéierten Här Sven Clement.

1. Dofir froen ech erëm, dës Kéier mat der expliziter Fuerderung no der konkreter Positioun vun der Ministesch an der Regierung, a net mat dem Verweis op eventuell zukünfteg Propose vun Aarbechtsgruppen: Wéi eng konkret Mesurë planqt d'Regierung, fir den Defizit vun der CNS ze reduzéieren ouni d'Qualitéit vun de Gesondheitsleeschungen ze compromettéieren?

Ënnert de Moosnamen, déi kuerzfristeg kënnen ëmgesat gi, sief et duerch eng Ännerung vun de Statute vun der CNS, de Konventiounen oder de Nomenclature, zielt d'medezinesch Kontroll ("maîtrise médicalisée") vu verschiddene Prestatiounen, wéi d'Veerschreibung vu Medikamenter, d'Bluttanalysen an d'Seancë beim Kiné. Dës Aktiounen kéinten zu manner Ausgaben an enger Gréisstenerdnung vu ronn 60 Milliounen Euro féieren. Aner Moosnamen, déi eng Upassung vum legale Kader erfuerderen, betreffen ënner anerem de Kampf géint d'Medikamenteverschwendung oder och Erweiderung vun de Mëttel am Kampf géint d'Fraude. Dës Moosnamen kéinten zu enger weiderer Reduktioun vun den Ausgabe vu ronn 80 Milliounen Euro féieren. Et ass virgesinn, datt dës Moosnamen zesumme mat de professionnelle Gruppementer an themateschen Aarbechtsgruppen nach verdéift a komplettéiert ginn, an en éischte Bilan soll bei der nächster Reunioun vum Comité Quadripartite am Fréijoer 2026 presentéiert ginn.

2. Och hei froen ech erëm, och dës Kéier mat der expliziter Fuerderung no der konkreter Positioun vun der Ministesch an der Regierung, a net no Verweiser op eventuell zukünfteg Propose vun Aarbechtsgruppen: Gëtt et Pläng, d'Bäitrag zur Krankeversécherung ze erhéijen oder nei Finanzéierungsquellen anzeféieren, fir d'finanziell Stabilitéit vun der CNS laangfristeg ze garantéieren?

3. Och hei froen ech erëm, och dës Kéier mat der expliziter Fuerderung no der konkreter Positioun vun der Ministesch an der Regierung, a net no Verweiser op eventuell zukünfteg Propose vun Aarbechtsgruppen: Wéi eng strukturell Reformen am Gesondheitswiese sinn am Kader vun der kommender Quadripartite virgesinn, fir d'Käschten ze kontrolléieren, ouni den Zougang zu Gesondheitsleeschungen anzeschränken?

Fir d'Joer 2026 ginn d'Cotisationsen an der Krankeversécherung net erhéicht. Laut dem leschte Rapport vun der IGSS¹ muss een domadder rechnen dat d'Reserve vun der Krankeversécherung ab 2027 ënnert de legale Seuil wäert falen. Laut den Dispositiounen vum Code vun der sozialer Sécherheet gëtt d'Upassung vun de Cotisationsen am Comité Quadripartite am Hierscht 2026 nach eng Kéier thematiséiert. Et ass ze bemierken dat eng Erhéijung bei de Naturleeschungen vu 5,60% op 5,85% ab 2027 zu dësem Zäitpunkt envisagéiert ass.

Déi Mesuren déi ënnert der Fro 1 opgezielt goufe ginn elo sou séier wéi méiglech ëmgesat. Se mussen awer als éischt an ënnerschiddlechen Aarbechtsgruppe mat de verschiddenen Acteuren weider verdéift ginn.

Dës Aarbechtsgruppe ginn ënnert der Supervisioun vun engem strategesche Comité opgestallt, deem d'Vertrieder vum Staat, vun den Employeuren, vun de Salariéë souwéi vun de professionnelle

¹ IGSS, Rapport sur la situation financière de l'assurance maladie-maternité en vue de la réunion du comité quadripartite en date du 13 octobre 2025, <https://igss.gouvernement.lu/fr/publications/rapports-quadri/rapport-assmal-quadri-2025.html>



Gruppementer zesummebréngt. Eng éischt Reunioun vun dësem strategesche Comité huet den 29. Oktober 2025 stattfonnt, wou d'Propositione vu Moosnamen no thematesche Gruppe presentéiert goufen an nach ze komplettéiere sinn, nämlech:

- De Grupp „Medezinesch Kontroll“ (medezinesch Kontroll bei der Medikamenteprescriptioun, medezinesch Kontroll bei der Prescriptioun vun de Seancë beim Kiné, medezinesch Kontroll bei de Bluttanalysen, d'Prise en Charge vun der Psychiatrie am extra-hospitalier, de Lien tëschent den Operatiounsassistenzen an der Komplexitéit vun den Akten)
- De Grupp „Medikamenter“ (Comptabel Kontroll vun de Medikamenter: Cotisatioun/Redevance, Comptabel Kontroll vun de Medikamenter: Kontrakter, Moosname géint Medikamenteverwendung am Kader vun engem Medikamentatiounspiang)
- De Grupp „Soien am Spidol“ (Vergläichend Analys vun den duerchschnëttlech Spidolsopenthalter (DMS), Mutualiséierung vun de Spidolslaboratoiren, Comptabel Kontroll vun der Evolutioun vun de Spidolsbudgeten)
- De Grupp „Verschiddenes“ (Kiné a schwéier Pathologien: kee Cumul mat den *Activités d'appui à l'indépendance* (AAI), Erweiderung vun de Mëttel am Kampf géint d'Fraude (LAF)).

Zousätzlech gouf am Laf vum Joer 2025 en Aarbechtsgrupp „*Redressement de la trajectoire de financement*“ kreéiert mam Zil eng Roadmap opzestellen, fir d'Faisabilitéit vun der Sanéierung vun der Finanzéierungstrajectoire ze analyséieren.

Lëtzebuerg, den 14. November 2025

D'Ministesche fir Gesondheet
a sozial Sécherheet

(s.) Martine Deprez